

славъ из Рылска, и Черниговская по-
 .л. 642 мощь, и внидоша на землю Половецкую. //
 Слышавше же Половцы поидоша, ркуще:
 «братиа наша избита, а инии изымани,
 а се опять идуть на нас», и послаша
 по всей земле той, а сами поидоша про-
 тиву княземъ, ожидающе дружины
 своя. А князи таки поидоша к вежамъ
 их, они же, не пустяша их въ вежи своа,
 .л. 642 об. сретоша их, дружины своя не дождав-
 ше, // и съступишася обои, и побежени
 бывше Половцы и биша их до вежъ,
 множество полона взяша, жен и детей. //

.л. 643 И стояша на вежахъ 3 дни, веселя-
 щася, а рекуще сице: «братиа наша
 ходили съ Святославомъ съ великимъ кня-
 земъ и билися съ Половцы, зряще на
 Переаславль, а они сами къ нимъ пришли,
 а в земли их не смели по нихъ ити,
 а мы въ земли ихъ есмь избии ихъ,
 а жены ихъ и дети у нас въ полону,
 а еще поидемъ за ними за Донъ, и до
 конца избиемъ ихъ, а аще будетъ намъ
 .л. 643 об. ту на нихъ победа, то идемъ по нихъ
 и до лукомориа, идеже не ходили // деды
 наши, да возьмемъ си до конца честь и
 славу». Сиа же глаголюще, а строения
 божиа не ведуще. Останок же избивенныхъ
 прибегоша ко дружине своей, идеже быху
 весть преже послаши, а сказаше имъ
 свою погыбель; // они же слышавше по-
 .л. 644 идоша противу княземъ, а по другиа
 .л. 644 об. послашася. // И сретипсася съ ними,
 бишася стрелцы межи собе 3 дни, и копий
 снимашася, ожидаху бо Половцы дру-
 жины своя, а симъ къ воде не дадущи
 .л. 645 пройти. // Придоша же Половцы вси
 ко дружине своей, и бысть ихъ многое
 множество; Олговичи же видевше ихъ
 ужасошася, и величания своего отпа-
 доша, аще же изнемогли бяху и безво-
 диемъ сами и кони отъ зноя, и посту-
 пиша мало въ воде, по 3 дни бо не пу-
 стили ихъ бяху къ воде; Половцы же
 устремипсася на нихъ, и притиснуша ихъ
 къ воде. //

ЛІС — НЛ

.л. 645 об. И бысть брань велика и сеча зла, мно-
 зи же Рустии воп и кони пометаша,
 пеши бияхуся съ Половцы; бе бо кони
 ихъ изнемогша; убиша же тогда и дивна
 богатыря Добрыню Судиславича. //

.л. 646 И прииде гнев божий на Русския воя,
 и побежени быша вси, и изымаша князей
 Русскихъ, и боаръ и велможъ, а иныхъ
 избивша, и погине Русскихъ вой память
 съ шумомъ; не в гордости бо, но в сми-
 рении помощь божиа есть. И такова беда
 сотворися, яко ни единъ вестникъ при-
 иде от нихъ на Русь; //

ЛС — ВЛ

.л. 646 об. Некто же гость поиде путемъ темъ,
 Половцы же приказаша съ нимъ къ Рус-
 скимъ княземъ, глаголюще: «поидете по
 своему братию, или мы къ вамъ идемъ
 по своихъ». //

тение Русскимъ княземъ, а по иныхъ
 своихъ Половцевъ, ту сущихъ, овехъ
 избивша, а иныхъ прогониша, и взяша
 жены ихъ и дети ихъ, а вежи ихъ пожго-
 ша, и стоаше на вежахъ техъ три дни.
 Половцы же, избегши отъ нихъ, поведаша
 дружине своей, инымъ Половцемъ, беду
 свою отъ Русскихъ князей; они же оскор-
 бившеся начаша збиратися. Князи же
 Русстии стоавше три дни на вежахъ
 Половецкихъ, и совещававшеся, глаго-
 лаше сице: «се уже сихъ Половцевъ
 победихомъ, поидемъ убо еще въ поле,
 и победимъ иныхъ Половцевъ, и имя
 себе и славу обрящемъ вечну», не ве-
 дяще яко богъ гордымъ противится,
 а смиреннымъ даетъ благодать. Половцы же
 не мнози собравшеся, и приидоша на
 нихъ, и стаха аки демони сюду и сюду
 скакати, ни наступаще, ни прочь отхо-
 дяще, но тако стрелцемъ стреляющимъ,
 ожидаху бо иныхъ Половцевъ за собою
 многа силы; и тако лицемерствующе
 и стреляючися три дни, а копья и саб-
 лями не снимающеся, ожидающе дружины
 съ часу на часъ, а къ воде Русскому
 воинству не дадше приступити. Также
 приидоша многое множество Половцевъ,
 и отнюдъ Русское воинство отлучиша
 отъ воды, и уже бяху три дни сами и
 кони ихъ воды во уста не впускаху,
 и изнемогша безводиемъ сами и кони
 ихъ, бе бо тогда зной велики зело, таже
 приступиша къ воде, и бе нужда велика;
 Половцы же притиснуша ихъ къ воде,

ВЛ

и бишася съ ними крепко, и бысть сеча
 зла велми, дружинъ же съ конь сседоша
 бияхуся, уже бо и кони подъ ними из-
 немогли бяху. Побежени быша князи
 Рустии, гневомъ бохинмъ, изымани быша
 вси, а боаре ихъ и дружина вся избиты
 бяху, а инии изымани, п ли язвени; и
 возвратишася съ победою Половцы,
 а про князей Русскихъ не бе кому и вести
 принести, за наше согрешение и гор-
 дость.

НЛ

потомъ же Половцы приказаша з гостми
 на Русь ко княземъ, глаголюще сице:
 «приидите по братию свою».